

## А Ж Р И М

(ярашганлик муносабати билан жиноят ишини тугатиш тўғрисида)

2023 йил октябрь ойининг “16” куни жиноят ишлари бўйича Бешарик туман суди, Ўзбекистон тумани Шодлик м.ф.й. биносида, сайёр суд мажлисида, раислик қилувчи Н.Саломов, Б.Абдуллаевнинг котиблигида, тарафлардан давлат айбловчиси Ўзбекистон туман прокурори О.Собиров, гумонланувчи Д.Раупов ва унинг ҳимоячиси “Одил ҳимоя равнақи” адвокатлик бюроси адвокати О.Мўминов, жабрланувчи Р.Асқаровларнинг иштирокида,

Раупов Дилмурод Саминович (Raupov Dilmurod Saminovich), 1987 йил 01 апрелда Фарғона вилояти, Ўзбекистон туманида туғилган, миллати ўзбек, Ўзбекистон Республикаси фуқароси, маълумоти олий, оилали, 3 нафар фарзанди бор, муқаддам судланмаган, “Жасмин” фермер хўжалиги иш юритувчиси, Фарғона вилояти, Ўзбекистон тумани, Шўр қишлоқ м.ф.й., Фаровон кўчаси, 45-уйда яшайди.

Ўзбекистон Республикаси ЖКнинг 105-моддаси 1-қисми билан гумонланувчига оид 1-1506-2302/327-сонли жиноят ишини кўриб чиқиб, қуйидагиларни

### А Н И Қ Л А Д И :

Гумонланувчи Д.Раупов 2023 йил 03 июль куни соат 20:30ларда ўзининг дала ер майдонига сув қуйиш масаласида таниши Р.Асқаров билан ўзаро жанжаллашиб, жанжал давомида унинг юз соҳасига бир неча маротаба қасддан уриб, унга тан жароҳати етказган.

Суд-тиббий экспертизасининг 2023 йил 07 июлдаги № 403-сонли хулосасига кўра, Р.Асқаровда бош мия моддасини лат ейиши ўрта оғир даражаси, чап яноқ соҳасида, ўнг ва чап кўз ковоқларида, пешона соҳасида, бош чап чакка соҳасида, ўнг чакка энса соҳасида, ўнг юз соҳасида, бўйин соҳасида, кўкрак қафаси чап ярмида қонталашлари, пастки жағ ўнг ярмида, бўйин соҳасида, ўнг кулоқ олди соҳасида, ўнг ва чап болдир соҳасида шилинмалари каби тан жароҳатлари бўлиб, бу тан жароҳатлар йигирма бир кундан кўп, аммо тўрт ойдан кўп бўлмаган муддатга соғлигини бузилишига сабаб бўлган ўрта оғир тан жароҳатлар тоифасига киришлиги аниқланган.

Дастлабки суриштирув органи томонидан Раупов Дилмурод Саминович Ўзбекистон Республикаси ЖКнинг 105-моддаси 1-қисмида назарда тутилган жиноятни содир этганликда гумон қилинган.

Гумонланувчи Д.Раупов, суд мажлисида ярашув тўғрисидаги аризасини тақдим қилиб, айбига ўз ихтиёри билан тўлиқ иқрор эканлиги, қилмишидан пушаймонлиги, содир этган қилмишининг оқибатларини англаганлиги, жабрланувчига етказилган зарарни тўлиқ қоплаганлигини, ҳозирда жабрланувчи билан бирон-бир тазйиқсиз ярашиб олганлиги ҳақида кўрсатув бериб, жиноят ишини тугатишни сўради.



Жабрланувчи Р.Асқаров суд мажлисида ярашув тўғрисида ариза тақдим этиб, ушбу аризасини қувватлаб, Д.Рауповга нисбатан ҳеч қандай даъвоси йўқлигини, етказилган моддий зарар тўлиқ қопланганлигини, аризани ўз хоҳиши билан ёзганлигини, унга нисбатан ҳеч ким тазйиқ ўтказмаганлигини, ярашув суд томонидан тасдиқланганидан кейин келиб чиқадиган ҳуқуқий оқибатларни тушунганлиги ҳақида кўрсатув бериб, жиноят ишини ҳаракатдан тугатишни сўраши.

Ўзбекистон Республикаси ЖКнинг 66<sup>1</sup>-моддасига мувофиқ, ЖКнинг 105-моддаси 1-қисмида назарда тутилган жиноятни содир этган шахс, агар у ўз айбига иқрор бўлса, жабрланувчи билан ярашса ва етказилган зарарни бартараф этса, ярашилганлиги муносабати билан жинойий жавобгарликдан озод этилиши мумкин.

Суд, жабрланувчи Р.Асқаров ва гумонланувчи Д.Рауповнинг ярашув тўғрисидаги аризаларини жиноят иши ҳужжатлари билан ўрганиб, Ўзбекистон туман прокурори О.Собиров, ҳимоячи О.Мўминовларнинг жиноят ишини ярашганлик муносабати тугатиш ҳақидаги фикрларини эшитиб, гумонланувчи Д.Рауповнинг айбига ихтиёрий иқрорлиги ва етказилган зарарнинг тўлиқ қопланганлиги, жабрланувчи ва гумонланувчига бирор-бир тазйиқ бўлмаганлиги, ярашув гумонланувчи ва жабрланувчининг хоҳишлари билан бўлаётганлиги ҳамда Ўзбекистон Республикаси ЖКнинг 105-моддаси 1-қисмида назарда тутилган жиноят ЖКнинг 66<sup>1</sup>-моддасига мувофиқ, ярашувга тушишини инобатга олиб, Д.Рауповга нисбатан юритилган жиноят ишини ярашганлик муносабати билан тугатишни лозим топади.

Шунингдек суд, жабрланувчи Р.Асқаровга Ўзбекистон Республикаси ЖПКнинг 583-моддаси 5-қисмига асосан ушбу ярашув суд томонидан тасдиқлагандан сўнг улар мазкур иш бўйича иш юритишни қайта тиклаш тўғрисида илтимоснома бериш ҳуқуқини йўқотишини тушунтиришни лозим деб ҳисоблайди.

Ўзбекистон Республикаси ЖПКнинг 84-моддасининг 4-қисми, 585-586-моддаларига амал қилиб, суд

#### А Ж Р И М Қ И Л Д И :

Ўзбекистон Республикаси ЖКнинг 105-моддаси 1-қисми билан гумонланувчи Раупов Дилмурод Саминович (Raupov Dilmurod Saminovich) ЖКнинг 66<sup>1</sup>-моддасига асосан жавобгарликдан озод қилинсин, мазкур жиноят иши ЖПКнинг 84-моддаси 4-қисмига асосан иш юритишдан тугатилсин.

Ажрим устидан йигирма кун ичида Фарғона вилоят судига апелляция тартибида хусусий шикоят берилиши ёки протест билдириши мумкин.

*Ажрим нусхаси аслига тўғри.*

Раислик қилувчи:

Н.Саломов.

